


12 Die getuienis van die APOSTELS

—deur Peter Hammond



Skotland

Brittanje


Andreas

Andreas was die eerste van die Apostels wat Jesus gevolg het. Ons sien hom deurgaans in die Evangelies mense na die Here toe lei, insluitend die seuntjie met die vyf brode en twee vissies. Na die dag van die uitstorting van die Heilige Gees, het Andreas wydverspreide sendingtogte na die Kaspiese berge onderneem (hedendaagse Georgië), na die Skithiërs aan die Kaspiese See, na Bisantium (hedendaagse Turkye), na Griekeland, Thracië en Macedonië. Die kerkhistorikus, Eusebius, teken op dat Andreas die Woord verkondig het aan die Skithiërs, Sogdiërs en die Saksers.

Hy is in Patros gekruisig, waar hy as martelaar op 'n X-vormige kruis gesterf het. Die tipe kruis word vandag die St. Andrewskruis genoem. Ageas, die goewerneur van die Edessenes, het gepoog om alle Christene te dwing om offers aan Romeinse afgode te bring. Andreas het hom openlik gekonfronteer en is daarvoor ter dood veroordeel. Andreas het verklaar: "Ek sou nie oor die eer en heerlikheid van die Kruis gepreek het as ek die dood aan die Kruis gevrees het nie." Andreas is op 30 November 80 A.D. doodgemartel en 30 November staan gevolglik bekend as St. Andrew-dag. Vier lande maak aanspraak op Andreas as hulle beskermheilige: Rusland, Griekeland, Duitsland en Skotland. Die St. Andrewskruis kom voor op die nasionale vlag van Skotland.

Simon die Yweraar ('zealot')

Simon die Yweraar het deur Noord-Afrika gearbei, insluitend die groot stad van Carthago. Hy het die Evangelie in Spanje versprei en in Brittanje bedien. Hy is daar in 61 A.D. op 10 Mei in Caistor, Lincolnshire as martelaar dood.




Filippus

Ná Christus se hemelvaart het Filippus na Skithië gereis (hedendaagse suidelike Rusland) en 20 jaar lank daar bedien. Daar word geglo dat Filippus die Evangelie tot in Gallië (hedendaagse Frankryk) verkondig het.

Daarna het hy in Klein-Asië (Turkye) gaan bedien waar die Here hom in Hiërapolis gebruik het om die vrou van die Romeinse prokonsel te genees. Hy is hiervoor gekruisig.

Rusland




Johannes

Die Apostel Johannes was die seun van Sebedeus, 'n visserman van Galilea. Sy moeder, Salome, was die suster van Maria, die moeder van Jesus. Johannes, sy broer Jakobus, en die Apostels Petrus en Andreas was almal vennote in 'n vissersbedryf voordat die Here hulle geroep het. Johannes se broer, Jakobus, was die eerste van die Apostels wat gesterf het; Johannes was die laaste.

Al die Apostels, behalwe Johannes, het gewelddadig gesterf. Johannes het egter 'n martelaarslewe gely. Die Here Jesus het sy moeder, Maria, in die sorg van Johannes agtergelaat. Johannes het kerke deur die hele Asië gevestig en die Boek van Die Openbaring, die Evangelie volgens Johannes, en 1, 2 en 3 Johannes geskryf.

"Geliefdes, moenie verbaas wees oor die vuurproef waaraan julle onderwerp word nie. Dit is nie iets vreemds wat met julle gebeur nie. Wees liewer bly hoe meer julle in die lyding van Christus deel, want dan sal julle ook oorloop van vreugde by Sy wederkoms in heerlikheid."
1 Pet 4:12,13



Jakobus

Jakobus, die oudste broer van die Apostel Johannes, was die eerste Apostel om 'n martelaarsdood te sterf. Op die bevel van koning Herodes Agrippa is Jakobus in 44 A.D. in Jerusalem onthoof.



Matteus

Matteus was 'n belastinginverdiener en tollenaar voordat die Here hom geroep het. Hy was 'n begaafde skrywer, en was miskien selfs die beste geleerd van al die Apostels. Hy is die skrywer van die Evangelie volgens Matteus en het sendingtogte na Persië, Egipte en Ethiopië onderneem. In Ethiopië het hy 'n marteldood vir Christus gesterf.



Thomas

Thomas Didimus (tweeling) was 'n visserman van Galilea. Na die hemelvaart, het Thomas sendingwerk in Babilon gaan doen. Daar het hy die eerste Christenkerke gestig. Daarna het hy in Persië en Indië gearbei en menigte bekeer. Die 'Bar Thomas' Kerk, in Indië bestaan nog tot vandag toe. Op 21 Desember sterf hy in Mylapore (hedendaags 'n voorstad van Madras) 'n martelaarsdood.

Indië



12 Die getuïenis van die APOSTELS

"Juis hiervoor is julle ook geroep, omdat Christus self vir julle gely en so vir julle 'n voorbeeld gestel het, sodat julle in Sy voetspore kan volg."
1 Pet 2:21

Georgië

Armenië

Azerbeidjan


Sirië



Die jonger Jakobus


Jakobus (die seun van Alfeus) was Matteus se broer en die seun van Maria (die vrou van Klopas – ook 'n volgeling van die Here). Jakobus is van Kapernaüm afkomstig. Hy het die kerke in Sirië gestig.

Die skrifgeleerdes en fariseërs het hom in Jerusalem van die Tempel afgegooi en toe gestenig omdat hy Christus verkondig het.



Matthias

Matthias is gekies as die Apostel wat die verraaier, Judas, vervang het. Matthias het gearbei in Armenië en die Oekraïne en het kerke in Colchis en Sebastopol geplant. Hy het as martelaar in Adjure (in hedendaagse Georgië) gesterf.



Bartolomeus

Die Apostel Bartolomeus het oral in Klein-Asië bedien, insluitend Hiërapolis, Laodisea, Kolosse, in Armenië en Indië. In 68 A.D. het Bartolomeus in Albanopolis (Derbend in Azerbeidjan) 'n marteldood gesterf nadat hy die koning van Armenië tot die Christendom bekeer het. Die koning se heidense broer het Bartolomeus as vergelding vermoor.

Judas (Taddeus)

Die Apostel Judas het die Evangelie na Armenië geneem, waar hy die kerk in Edessa gestig het. Armenië het later een van die eerste Christenkoninkryke geword. Hy het ook later in Sirië en Persië evangelisasiewerk gedoen. Judas het in Kara Kalisa, naby die Kaspiese See, nagenoeg 64 km van Tabriz (hedendaagse Iran), as martelaar gesterf. ■